

**KARATE SAVEZ BOSNE I HERCEGOVINE  
КАРАТЕ САВЕЗ БОСНЕ И ХЕРЦЕГОВИНЕ  
KARATE SAVEZ BOSNE I HERCEGOVINE**



**P R A V I L N I K  
O NAGRADAMA I PRIZNANJIMA  
KARATE SAVEZA BOSNE I HERCEGOVINE**

Sarajevo 27.04.2021.

Na osnovu Člana 29. Statuta Karate saveza Bosne i Hercegovine, Upravni odbor Karate saveza Bosne i Hercegovine, na svojoj sjednici, održanoj 27.04.2021.godine, donosi:

## **P R A V I L N I K O NAGRADAMA I PRIZNANJIMA KARATE SAVEZA BOSNE I HERCEGOVINE**

### **I OPŠTE ODREDBE**

#### **Član 1.**

Pravilnikom o nagradama i priznanjima Karate saveza Bosne i Hercegovine (u daljem tekstu: Pravilnik) utvrđuje se postupak, uslovi i vrste nagrada i priznanja, koje Upravni odbor Karate saveza Bosne i Hercegovine (u daljem tekstu: UO) dodjeljuje pojedincima, organizacijama (klubovima) i članovima (entitetski savezi) Karate saveza Bosne i Hercegovine (u daljem tekstu: Savez) i drugim pojedincima, organizacijama i institucijama za izuzetne rezultate ostvarene na takmičenjima, odnosno za poseban doprinos razvoju i unapređenju karate sporta u Bosni i Hercegovini (u daljem tekstu: BiH).

### **II OPŠTI USLOVI ZA DODJELU NAGRADA I PRIZNANJA**

#### **Član 2.**

Nagrade i priznanja Saveza pojedincima, organizacijama, članovima i institucijama dodjeljuju se za:

1. Izuzetne takmičarske rezultate pojedinaca ili ekipa na službenim međunarodnim takmičenjima,
2. Izuzetne sportske i druge rezultate stručnih radnika na službenim međunarodnim takmičenjima,
3. Izuzetne napore učinjene na osnivanju karate klubova i škola karatea, njihovom organizacionom jačanju okupljanjem članstva i aktivnim uključivanjem u zvanični sistem takmičenja KS BiH,
4. Dugogodišnji amaterski rad koji predstavlja poseban doprinos unapređenju organizovanosti, razvoju, popularizaciji i jačanju ugleda karate sporta u BiH,
5. Dugogodišnji amaterski rad koji predstavlja poseban doprinos unapređenju međunarodne saradnje u karate sportu,
6. Stalnu i uspješnu saradnju sa organizacijama i institucijama izvan Saveza u cilju što boljih ostvarivanja ciljeva i zadataka Saveza.
7. Dugogodišnji i uspješni naučno-pedagoški rad u oblasti karate sporta,
8. Dugogodišnji novinarski i publicistički rad kojim se povećava popularnost karate sporta i pospješuje njegov razvoj,

### III VRSTE NAGRADA I PRIZNANJA

#### Član 3.

UO Saveza, za doprinos iz Člana 2. ovog Pravilnika, dodjeljuje sljedeće nagrade i priznanja: Značka, Plaketa, Povelja i Nagrada za životno djelo KS BiH.

UO Saveza može donijeti odluku da, uz dodijeljena priznanja, dodijeli i novčanu nagradu.

#### Značka

1. Zlatna
2. Srebrna
3. Bronzana

#### Plaketa

1. Zlatna
2. Srebrna
3. Bronzana

#### Povelja

#### Nagrada za životno djelo

Odluku o izgledu priznanja donosi UO Saveza.

### IV POSEBNI USLOVI ZA DODJELU NAGRADA I PRIZNANJA

#### Član 4.

Značka KS BiH dodjeljuje se takmičarima za postignute takmičarske individualne i/ili ekipne rezultate u protekloj godini, na manifestaciji/svečanosti izbora najuspješnijih takmičara i ekipa KS BiH, u organizaciji KS BiH.

Zlatna znacka – za najbolje pojedince ili ekipe,

Srebrna znacka – za drugoplasirane pojedince ili ekipe,

Bonzana znacka – za trećeplasirane pojedince ili ekipe.

Redosljed pojedinaca i ekipa određuje se na osnovu kriterija Sportskog saveza BiH, koji služe za izbor sportista i ekipa godine ili na osnovu prijedloga, u tu svrhu, formirane komisije KS BiH.

#### Član 5.

Plaketa KS BiH dodjeljuje se povodom jubileja Saveza, članova, organizacija i pojedinaca zaslužnim takmičarima, stručnim i sportskim radnicima i karate organizacijama u karate sportu kao i pojedincima, organizacijama i institucijama izvan Saveza:

#### Bronzana

Za dugogodišnji rad (više od 10 godina) i ostvarene rezultate iz Člana 2. ovog Pravilnika,

### **Srebrna**

Za dugogodišnji rad (više od 15 godina) i ostvarene rezultate iz Člana 2. ovog Pravilnika,

### **Zlatna**

Za dugogodišnji rad (više od 20 godina) i ostvarene rezultate iz Člana 2. ovog Pravilnika.

## **Član 6.**

### **Povelja KS BiH**

Povelja KS BiH se dodjeljuje povodom jubileja Saveza, članova, organizacija ili pojedinaca zaslužnim takmičarima, stručnim i sportskim radnicima i karate organizacijama u karate sportu kao i pojedincima, organizacijama i institucijama izvan Saveza, sa kojima je ostvarena dobra i plodna saradnja za dugogodišnji rad (više od 30 godina) i ostvarene rezultate iz Člana 2. ovog Pravilnika.

## **Član 7.**

### **Nagrada za životno djelo KS BiH**

Nagrada za životno djelo KS BiH dodjeljuje se povodom jubileja Saveza, članova, organizacija ili pojedinaca zaslužnim takmičarima, stručnim i sportskim radnicima za dugogodišnji rad (više od 40 godina) i ostvarene izuzetne rezultate iz Člana 2. ovog Pravilnika.

## **Član 8.**

Za dugogodišnji trenerski rad u karateu dodjeljuje se Specijalna nagrada "Salko Ćurić".

## **V POSTUPAK DODJELE I EVIDENCIJA NAGRADA I PRIZNANJA**

### **Član 9.**

Prijedloge za nagrade i priznanja, sa obrazloženjem, priprema i u pismenoj formi podnosi Komisija za nagrade i priznanja KS BiH.

Prijedloge za nagrade i priznanja, uz pismeno obrazloženje, mogu podnositi i članovi Saveza, organizacije i pojedinci.

### **Član 10.**

Odluku o dodjeli nagrada i priznanja u Savezu donosi UO Saveza na prijedlog Komisije za nagrade i priznanja. Komisiju formira UO Saveza u skladu sa Članom 29. Statuta KS BiH.

### **Član 11.**

Nagrade i priznanja u Savezu su stepenovana i ne može se više puta dobiti isto priznanje. Izuzetno od ovog, više puta se može dobiti značka Saveza.

### **Član 12.**

O dodjeli značaka i plaketa izdaje se poseban dokument sa nazivom pojedinca ili organizacije kojima je priznanje dodijeljeno i naznakom osnova po kome je dodijeljeno.

### **Član 13.**

Nagrade i priznanja se uručuju na svečanostima Saveza. Plaketa, Povelja i Nagrada za životno djelo se uručuju na svečanostima Saveza ili svečanostima organizovanim povodom jubileja koji su osnov za dodjelu Plakete, Povelje i Nagrade za životno djelo.

#### **Član 14.**

Nagrade i priznanja utvrđena ovim Pravilnikom mogu se dodijeliti i posmrtno, u kom slučaju se uručuju porodici.

#### **Član 15.**

U Savezu se vodi i redovno ažurira Registar prijedloga i Registar dodijeljenih nagrada i priznana.

### **VI PRELAZNE I ZAVRSNE ODREDBE**

#### **Član 16.**

Izmjene i dopune ovoga Pravilnika vrše se na način i po postupku za njegovo donošenje.

#### **Član 17.**

Tumačenje ovog Pravilnika daje UO Saveza.

#### **Član 18.**

Pravilnik stupa na snagu osmog dana od dana usvajanja na sjednici UO Saveza.

Broj : UO-14-02/21

Sarajevo, 27.04.2021. godine

**PREDSJEDNIK KSBIH**

**Miroљub Kremenović**



*Miroљub Kremenović*